

南湖
集附錄
二





南 湖 集

附 錄

(二)

張 鎡 撰

王雲五主編

叢書集成初編

白石道人詩集及其其他一種

二冊

中華民國二十五年六月初版

徐

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

南湖集卷第六

七言律詩

湖上呈虞仲房

謁客衝泥路有聲。筍輿風裏轉高城。秋山正要一意看。曉日倍添雙目明。淺瀼鷗盤思腐啄。孤汀鶴立念遐征。世閒似我詩多有。莫漫逢人道姓名。

簡馬架閣

江浙聞人馬少伊。識公因誦雪窗詩。交馳刺字休嫌阻。一見人生自有期。城郭村翁誰問我。親王嬌客罕如斯。雞聲風雨相望處。情致先多會面時。

皇太子生辰二首

無射吹銅恰四莫。紫微深處燦前星。木行襲慶聯三合。火德流光共一丁。玩鶴怡神資葆毓。開雞爲善想儀刑。豐年在在歌華黍。鴻鵠高飛萬宇寧。
歡聲叶氣藹乾坤。榮觀于今貳極尊。天與聰明屬文子。人推勇智實湯孫。百寮銀筆松椿祝。三殿瑤觴雨露恩。久託重暉無以報。蕪音常是愧雷門。

卽席次潘茂洪韻

我恨填胸三斗塵。略無警句可留春。煙雲空外吹成鶴。梅杏枝頭長就人。但解時中心獨廢。自然隨處樂常新。諸公要識居園法。第一先教懶是真。

過鳳山高氏以榴實薦酒

灣洄綠處得雞聲。俯檻山宜柳外明。京洛漲塵衣半黑。邯鄲炊黍夢曾驚。榴皮就爲翁題好。竹葉能邀我與成。辦此一塵歸老計。弄孫相對說春耕。

以洞庭橘寄楊祕監

橘色渾如柿色黃。誠齋有句合分嘗。豈爲都市頗難得。要是洞庭親寄將。雨露山中今有味。星辰天上舊無香。遙知老監開奩處。爲爾椒花雨一觴。誠齋自釀酒名椒花雨。

呈吳居甫待制

挺挺風規軼輩流。肯因官譽掄清脩。南宮妙畫多時見。北固新篇去歲收。每念小人同話此。曾知閒客到門不。平生自笑迂疎甚。趨造纔頻更覺愁。

送吳季行監丞知簡州

兩門情義一鄉中。祖業還同社稷功。賃舍偶憐逢事少。訪余時幸慰詩窮。割符忽爲榮親去。橫槩多因得地雄。強飯肯隨官職禱。故家當勉報文風。

長至前夕書寄陸嚴州

銅爐熟火暖無烟。一盞青燈紙帳邊。遲睡頗如除夜景。新陽方幸好晴天。詩成水閣梅堪折。信斷山城鴈不傳。莫待扁舟敍睽隔。歸來身作紫微仙。

送趙季言知撫州

同寅心契每難忘。林野投閒話最長。自是文華兼政術。非徒神秀出天潢。臨歧暫送魚符客。指日歸來畫省郎。詩社不應常寂寞。賴搜口獎出江鄉。

余家兄弟未嘗久別。今夏送平父之官山口。冬仲朔。又送深父爲四明船官。因成長句。

遵洛霜鴻散漫飛。江天分序益淒悲。孤生只合羣居樂。半歲那禁兩別離。發軔固知期遠到。望船猶怕獨歸時。書來豈是寒暄語。盡寫衷情慰渴飢。

呈毛崇夫司直

春到深時味更長。草晴勝似雜花香。清陰漸次迷天綠。白髮依稀照領光。逐婦牆鳩知雨近。生兒梁燕補巢忙。擘牋謾記今朝景。朝路歸時肯易忘。

次韻酬新九江使君趙明達二詩。仍送自製香餅。白鷗波酒。

紛紛金珮與瑤環。骨相如吾敢妄攀。居處何曾離城郭。襟期終不負湖山。杉旁試履拖雲濕。石上敲鈎破蘚斑。衝曉樵童便來往。思量誰似我投閒。歲晏懷人水一湄。歸鴻去鴈各參差。寒風不解頻吹夢。疾置何妨數寄詩。釀酒改名聊濟勝。和香因譜更

求奇路遙不暇多餅送。一炷同參日漸遲。

酬張子立投贈

論文嘗到愛山前。屢費金猊冰麝烟。舉世無人憐易絕。蓮社有易解。愛山堂名也。今年有子得詩傳。慵隨肥馬輕裘俗。要結高山流水緣。淺拙固難酬妙寄。漫撩春夢草池邊。

次韻酬潘茂洪見寄

懷人非特爲能詩。襟抱如君坦復怡。三徑許時無地覓。一生高處只天知。江湖老夢疎篷慣。燈火涼秋細字宜。此興未嘗殊往歲。水邊唯欠詠黃葵。

酬曾無逸架閣見寄

貪閒常怕拆人書。今日開鍼病已無。數紙雲情動金石。一篇天籟集笙竽。心交物類相感志。願在衣冠盛事圖。無逸兄無玷。今主大府簿。稍稍詩文振吾黨。快來青鬢躡華途。

次韻酬鄭唐老見寄

黃葉歸根靜不風。迴塘雪後正澈溶。山林有分吾當去。簪紱方興子未慵。點檢寒榮梅又動。思量暖事李將穠。橋南水北來還往。露布詩篇不必封。

次韻王耘之

白汗翻漿九市人。清風誰似此論心。壯遊淮上官聲起。重會都城句法深。久矣求才膠柱瑟。老來逢事不

徽琴漫湖又見香荷發。煮餅須同近寺林。

次韻酬杜材卿

樓寒鶴骨舊玲峴。別後溪山夢不局。世事益知推去好。鬢毛渾減向來青。詩篇又見聲諧律。才與何疑刀
照硯愁裏不妨同茗酌。古梅園種百龍形。謂桂隱。

呈張左曹郎中

持節江湘公去久。浙西風月我孤吟。相逢未敘三年話。此事先拋一寸心。風調不因通宦汨。世塗尤見故
情深。隨人一錯終能復。林墅應勞得得尋。

離蘇州回寄太守袁起巖郎中

吳中佳地舊長洲。來往空回信宿留。秦伯廟存那暇問。麗娃鄉近未曾遊。詩翁燕坐凝香閣。閒客歸來釣
月舟。想見名章已成集。章郎何得擅蘇州。

伴書回寄建康張總卿

湖上初晴擅曉涼。一緘俄墜讀書牀。月卿星使年年憶。雪白蘭薰字字香。聞道江邊勤叱馭。也知鷗外靜
鳴榔。新君未識詩人在。早覲楓宸荷紫囊。

種蠟梅喜成時欲暫往梁溪

出得荆扉喜欲顛。園夫撐到蠟梅船。包封山土根微脫。束縛溪藤葉尙鮮。搬處側從新徑裏。種時還向舊

臺邊。叮嚀等待吾歸看。切莫開花小至前。

時賢有爵高名重而不自由者。再念閒居之可樂。爲賦長句。

多幸因愚得養恬。林扃風變陡寒天。杯傳蕉葉溫成酒。襖織梅花軟入綿。經室爐添羊脰炭。道牀屏獲鷓斑烟。遙思病叟頭如雪。冒冷遐征想自憐。

送鶴還建康章德茂侍郎。因成兩詩。

來時雪羽帶緇塵。養得摧殘病離身。曉浴池寬薔蔔遠。夜棲籠闊海棠鄰。吟詩屢聽狂居士。入夢應思舊主人。且喜再隨千騎去。不妨乘勢長精神。

風儀不稱汨泥塵。清向亨衢快舉身。魚鱗鱗符行作伴。鷺洲燕巷得爲鄰。華亭清唳如前日。蜀道高風過昔人。他日侍郎登鳳沼。卻來湖畔靜怡神。

入園聞鶴唳

解事昂藏兩令威。叫晴隔水要人知。喜渠飛舞開籠日。值我行歌出戶時。梅院共期清月上。芝田休費碧雲思。長閒便是延年法。鶴不同謀更與誰。

送徐衡仲歸侍次福建帥屬二首

三年林曲喜談叢。交薦俄閒得數公。竟覓一官蓮幕下。漫添千詠錦囊中。時乖豈但馮唐老。性癖甘如叔夜慵。應是黃花過江路。笑垂雙裏立西風。

和篇猶未忽成行。案開方有詩債。無柰離情雜愧情。風雨連朝難送遠。湖山何日再尋盟。飽參屢見從頭舉。識破懸知到處輕。疎懶祇愁書問少。望君因便卻傳聲。

登梅橋望桂隱

常日居園不自奇。今朝勝處上橋知。平湖百畝橫當戶。茂樹千章翠繞籬。鄰寺鐘魚初歷歷。里閭雞犬亦熙熙。隔城更有青山在。朝揖吾家出好詩。

喜楊誠齋赴召

病中何事卻懽欣。聞召高安老使君。碧落豈容留綺夏。紫微端要著卿雲。朝天續集開新詠。解易元談記古文。應笑清臞約齋子。湖邊猶戀白鷗羣。碧落。筠郡圖堂名。

誠齋以南海朝天兩集詩見惠因書卷末

筆端有口古來稀。妙悟奚煩用力追。南紀山川題欲徧。中朝文物寫無遺。後山格律非窮苦。白傅風流造坦夷。霜鬢未聞登翰苑。緩公高步或因詩。

南湖有懷遂初尤公侍郎寄贈七言

停驂曾送柳邊舟。忽忽今冬病故秋。望遠溪山常入夢。寫殘書信只成愁。明心坐斷三千佛。謁帝行歸十二樓。臨水憶君誰復信。亂煙淒暮白蘆洲。

呈曾仲躬侍郎

公道欣從禁路開。世家今有偉人來。共推掌學文清手。突過談兵杜牧才。老眼知人明月鏡。時情薦士冷
稽灰。詩章話法從公了。要使諸方聽若雷。

次韻叔祖題詠澤亭

疆塞聲威昔據鞍。築亭聊此水雲看。地連牛斗東南勝。心體鳶魚上下觀。一節愛君通表裏。百年耽句置
炎寒。莫疵緣岸規模淺。幽潔從來極怕寬。

有懷參政范公。因書桂隱近事奉寄二首。

石湖仙伯住吳門。事業文章兩足尊。南北東西曾徧歷。焉哉乎也敢輕論。桂園柳色金絲織。笠澤桃花錦
浪翻。小大風烟俱自適。鷗巢終莫擬雲鷗。

迂疎那可作治中。閒事歸來卻不慵。曉炷佛香聊作觀。晚投社飲亦稱儂。荷衣製就身宜著。菰米收成手
自舂。最是今年多偉績。萬叢蘭四百株松。

行近湖州。不果入城。寄王成之使君。

江左風流燕子家。有人襟度渺雲涯。謳歌馮翊今分竹。詞藻西垣舊判花。相望每居形跡外。投閒常動別
離嗟。因行一見還成阻。誰謂人遐自室遐。

過臨安海會寺東長橋。有懷蘇文忠公。

竦踴峯環碧玉城。亂蟬爭送夕陽明。飛橋預快登山足。壞塔遙增弔古情。橋東北望功臣寺塔。陳跡幾年驚夢幻。清

文隨處振英莖。胡牀等到三更看。閒過桐鄉或駕鯨。

許深甫宰分宜

崢嶸飛藻妙無前。廓廓披懷萬丈淵。久矣願交嗟跡異。茲焉覲面實心先。雪窗政握持盃手。風激驚排轉柁船。名宦祝君誠長語。安心西去試鳴弦。

因過田倅坐閒得姜堯章所贈詩卷以七字爲報

京塵輿馬競揚埃。何礙騷人獨往回。我住水邊奚自識。詩如雲外寄將來。一從風裏攜歸看。屢向松亭靜展開。應是冰清逢玉潤。只因佳句不因媒。千巖居士蕭東夫。卽姜婦翁也。

賀蕭參政

向來投謁未嘗頻。今日尤宜後衆賓。先世年家登政府。時情禮數到閒人。只將忠實酬明主。果見推遷作大臣。何用撫孤多軫念。園花開勝去年春。

叔祖國學座閒請觀詩編因賦

出門何許會初心。家有師儒是學林。晝古更因金印偉。書叢方稱錦堂深。朱橙薦酒隨冬蟹。翠蔓披牆引暮禽。每幸酸鹹得同嗜。可令傾耳闕韶音。

送鄭剛中赴江東參議

去程遙指石頭城。秋與鍾山老氣清。袖繹蓬巒曾正字。參陪蓮幕試論兵。時平得計甘微祿。學古無心急

近榮君豈江淮久遊客。歸來矍鑠上承明。

回渡荷葉浦

宿雨驚眠變早涼。喜乘風便放歸航。山雲野樹水墨暗。蘆葉荷花文繡香。藉枕冰藤醒倦思。打簾珠浪發清狂。天圍平浦方宜眼。便腹飛帆莫太忙。

次以道荷葉浦

向來曾愛葉田田。落日荷花擁櫂前。霜冷不移魚世界。葦殘聊作鴈家緣。詩狂頃刻成三首。懶病中間接四邊。除此今朝無別事。與君相就樂舡船。

又呈坐客

天假南湖一段奇。賓朋胥會只論詩。人生未老肯閒日。春色無邊方盛時。林外好山看獨慣。塵中新事問寧知。從來邂逅宜真率。花下杯傳卻莫遲。

客至

麝萱沿徑綠抽牙。文杏飄飄白覆沙。過半春光須愛惜。沓來人事費攔遮。妨尋蟻徑看排陣。阻向蜂筒聽報衙。癖性杜門猶憚此。刺頭塵土可堪嗟。

次韻酬陳伯治監倉

小築才成賜也牆。傳家那是釣徒張。非求世上人看好。但要閒中句律昌。成陣遊鯈波尚暖。打團飛蝶菊

初荒。隣翁莫厭頻相遇。會見翺翔入未央。

送葉景良知嚴陵

千古風高仰釣臺。朱輪新擁得通才。政聲易報長安近。家學知從雪水來。半載依仁方恨別。雙魚傳信肯慵開。分攜強飯休頻祝。鋒召需賢定挽回。

送謝良齋得閒西歸

向來朝列雖知己。臺省山林職事殊。勇退近聞辭北闕。醉遊唯欠到南湖。心傳古學高當代。力把忠言壯晚途。競說歸舟賣金帶。囊空相見一錢無。

戲呈鄭去華縣丞

疊破當年御賜袍。飽看人釣六靈鼇。行藏雖似少中節。識趣不妨依舊高。入夢傳巖初豈意。上書曼倩本徒勞。浮生萬事天都了。愛惜君才祝善刀。

謁客不值夜夢見之

澄湖樓畔梵王宮。門外陂塘盡日風。來訪故人嗟未值。絕憐秋色與誰同。不遑將母君應歎。始可言詩我未工。須信夢多因境熟。夜深猶在寺門東。

官舍夢歸南湖

林野相望不隔關。夢魂徑到豈爲難。恍如天上飛升客。忘卻人間走俗官。巖桂直通籠鶴檻。水蕓斜倚釣

魚竿覺來不忍輕開眼。窗外芭蕉戰曉寒。

曾無逸餉風。瀾十團扇。報以七言。

君才霽月破陰氛。因物還將比似君。水上風行真解悟。目前意到便成文。輕濤浮突羊頭起。急溜爬髒虎爪分。珍重南豐橫別派。洗空浮濁幾人羣。羊頭虎爪皆屬上水名。

許深父送日鑄茶

短牋欣見小龍蛇。諫省初頒越嶺茶。甕缶祕香蒙翠箬。蠟封承印濕丹砂。清風灑落曾誰比。正味森嚴更可嘉。堪笑雲臺方忍睡。強行松徑嚼新芽。

遊叔祖次對宅南新園詩

入門疑是洞中天。有人閒事兩全。深窈高明俱要景。安閒榮盛未衰年。軒窗處鶴千層竹。風雨催詩十畝蓮。閒道從今畢婚嫁。陰功專爲子孫傳。

五林方沈氏居

路轉蒼灣靜者家。抱牆脩竹舞簷斜。佛燈鏡照無盡像。書館池栽成行花。麤有田園真可樂。不維車服更何加。晚來清致因閒取。非故邀君一煮茶。

南湖夕泛

欲知家住畫圖中。靜向波心漾短篷。粉墨暈開天水色。碧朱堆上柳花叢。雲邊鷗影來還去。籬畔雞聲西

復東別浦夷猶豈無謂。細看蘋末受清風。

游新市趙侍郎園

步屣沾泥得望新。霽光飛上雜花明。漁篷就向池旁入。山翠盡從窗外橫。因想主人持酒興。直須居士詠詩聲。浮生果解隨緣足。適意真強爵與名。

遊韓氏園有客先歸

風日催荷作老香。便將新句責胡牀。重山抱屋臨幽爽。四月邊湖納晚涼。扇景不驚蛙黽坐。檠飡還愛筍蔬長。佳賓壯論能投俗。歸路誰憐鬢雪光。

寄題任子嚴漕使盤園

身卽林園不世功。喜驚今乃有人同。規模內相雄文裏。景物時賢雜詠中。前輩風流何敢似。後來評論想能公。誰曾寤寐聲形隔。真樂從茲觸處通。

離無錫夜入溪莊港口

出山猶自雨隨車。到得溪橋一點無。冷月半明雲未去。垂楊成行葉全枯。竹添東墅方清蔭。人在南湖已白鬚。應是田翁喜儂至。旋吹燈火競歡呼。

雨中憶曇少雲奉寄

天意今年不惜涼。雨聲秋後恣淋浪。單衣已覺生絺薄。細字初便短燭光。畫餅功名孤塞路。守株身世老

江鄉。吾儕政要無人識。黃葉深林氣味長。

虎斑貓

百丈慵參老野狐。一雙俄得小於菟。耽耽肯聽豺聲怯。索索當令鼠輩無。既與道人常竝坐。何妨童子戲編鬚。硬黃新染香如蠟。從此書堂不閉廚。

錦池汎舟贈莊器之二首

槐葉鶯聲兩度春。笑言常恨獨參辰。相過便說幽居好。別後應多秀句新。賀監湖邊山作伴。若耶溪上月爲鄰。涼秋定叩松扉去。一舸從君理釣緼。翠舸迎涼避日行。只隨風去不須撈。雲移茂樹添層影。魚喜新荷觸嫩莖。客有何人從遠至。天憐吾輩太清生。功名世上雖爲急。弄水褰芳未可輕。

遊俞氏庵次叔祖韻

青山穩處衲僧家。得趣應難向客誇。春砌浪生金鳳草。夏窗低映木籠花。安禪舊日參臨濟。照影新遊愛水涯。醅酹詎論歸路晚。壁閒貪縱墨翻鴉。

賣花

種花千樹滿家林。詩思朝昏惱不禁。擔上青紅相逐走。車中搖兀也教吟。雖無蜂過曾偷採。猶恐塵飛數見侵。應是花枝亦相望。恨無人似我知音。